



Բժշկական թափոնների կատեգորիաները

ԿԱՏԵԳՈՐԻԱՆԵՐ	ՕՐԻՆԱԿՆԵՐ
Ծակող/կտրող թափոններ	Ենթամաշկային ներարկման ասեղներ, ներարկիչներ, կարեր դնելու ասեղներ, վիրադանակներ և այլ սայրեր, լանցետներ, սղոցներ, դանակներ, կտրատված կամ չկտրված ապակի, սրվակներ, փողրակներ, զոնդեր, կաթոցիկներ և այլն, որոնք կրկին չեն օգտագործվում կամ չեն վերամաշակվում:
Ցանքսեր և շտամներ	Մարդկանցից վերցված ցանքսեր, վարակիչ ազենտների շտամներ, դեն նետված կենդանի և վիրուլենտությունը թուլացած պատվաստանյութեր կամ շիճուկ, ցանքսի ապակիներ և այլ պարագաներ, որ օգտագործվում են բջջային ցանքսերը տեղափոխելու, սրսկելու կամ խառնելու համար:
Մարդկային արյուն, արյան բաղադրամասեր և մարմնական հեղուկներ	Ազատորեն հոսող արյուն կամ արյան բաղադրիչներ, սերմնահեղուկ, հեշտոցային արտազատուկներ, ողնուղեղային, սինովյալ, պլեվռալ, պերիկարդիալ, որովայնախոռոչի, ամնիոտիկ հեղուկներ, թուք՝ ատամնաբուժական պրոցեդուրաներում և արյունով աղտոտված մարմնական հեղուկներ, կաթկթող արյունով կամ վերոնշյալ հեղուկներով աղտոտված թափոններ:
Մեկուսացված բուժումից գոյացած թափոններ	Աղտոտված նյութեր խիստ վարակիչ հիվանդություններ ունեցող հիվանդներից:
Ախտաբանական (պաթոլոգիական) թափոններ	Չյուսվածքներ, օրգաններ վիրահատության, դիահերձման կամ այլ պրոցեդուրաների ընթացքում հեռացված անատոմիական թափոններ /մարմնի ճանաչելի մասեր, բացի ատամներից/:

Առանձնացման/Հավաքման տարաներ

Բժշկական թափոնները պետք է լցվեն կենսաբանական վտանգավորության միջազգային խորհրդանշանով պիտակավորված տարաներում:

Կատեգորիաներ	Տարայի կամ պարկի բնութագրերը	Օրինակներ
Ծակող/ կտրող թափոններ	<p>Տարան պետք է ծակվող չլինի, կողքերից և հատակից արտահոսք չտա, և լինի դիմացկուն</p> <p>Տարան պետք է ունենա կենսաբանական վտանգավորության պիտակ</p> <p>Տարան պետք է լինի փակվող, եթե օգտագործվում է ծակող/կտրող թափոններ տեղափոխելու համար: Նշում: Շեշտը պետք է դնել ասեղները նորից չփակելու վրա</p>	<p>Դատարկ պլաստիկ շշեր՝ կենսաբանական վտանգավորության պիտակով</p> <p>Սովարաթղթե տուփ՝ կենսաբանական վտանգավորության պիտակով</p> <p>Պլաստիկ կոշտ տարա կենսաբանական վտանգավորության պիտակով</p> <p>Թիթեղյա պահածոյատուփեր՝ կափարիչներով կենսաբանական վտանգավորության պիտակի փոխարեն կարելի է նաև օգտագործել «Զգույշ-ծակող/կտրող թափոններ են» բառերը</p>
Մարդկային արյուն, արյան բաղադրամասեր և մարմնական հեղուկներ /պինդ և կիսահեղուկ թափոններ/	<p>Ցելոֆանե տոպրակները պետք է արտահոսք չունենան, պատրաստված լինեն այնպես, որպեսզի օգտագործելիս չպատռվեն և չպայթեն: Ցելոֆանե տոպրակը պետք է դնել կոշտ տարայի մեջ:</p> <p>Կոշտ տարան պետք է արտահոսք չունենա, լինի դիմացկուն, ունենա կենսաբանական վտանգավորության պիտակ կամ գունային կող</p>	<p>Ցելոֆանե տոպրակ, որը դրվում է դեղին ներկված աղբամանի մեջ կենսաբանական վտանգավորության պիտակով</p> <p>Ցելոֆանե դեղին տոպրակներ պետք է օգտագործել դրանք ձեռք բերելուն պես</p>
Մեկուսացված բուժումից	Նույնն է ինչ վերը	Նույնն է ինչ վերը- բնորոշել որպես մեկուսացված բուժումից գոյացած

գոյաված թափոններ		թափոններ
Ախտաբանական /պաթոլոգիական/ թափոններ	Նույնն է ինչ վերը	Նույնն է ինչ վերը- բնորոշել որպես ախտաբանական թափոններ
Զծակող թափոններ Չեղուկ թափոններ	<p>Տարան պետք է արտահոսք չունենա և լինի դիմացկուն: Տարան պետք է ունենա կենսաբանական վտանգավորության պիտակ, եթե օգտագործվելու է թափոնները փոխադրելու համար</p> <p>Տարան պետք է այնպես նախագծված լինի, որ տեղափոխելիս պարունակությունը չթափվի:</p>	Շշեր, սրվակներ, պլաստիկ տարաներ, կանխտորեր, կափարիչներով դուլյեր:

Կենսաբանական վտանգավորության նշանը կարելի է ներկել տարաների վրա: Բժշկական թափոնների հավաքման համար օգտագործվող աղբամանները և տաշտերը պետք է պարբերաբար լվացվեն և ախտահանվեն:

1. Փոխադրում բուժիմնարկի ներսում

Բժշկական թափոնների շարժումը պետք է կատարվի օգտագործելով հերմետիկ փակվող տարաներ և վարակի կանխարգելման արդյունավետ պրակտիկաներ: Թափոններ տեղափոխողները պետք է մշտապես կրեն ձեռնոցներ: Բժշկական թափոնների համար օգտագործվող տարաները պետք է օգտագործվեն միայն այդ նպատակի համար: Դրանք պետք է կանոնավոր կերպով մաքրվեն և ախտահանվեն:

2. Պահեստավորումը

Եթե պահեստավորման անհրաժեշտություն կա, պահեստավորման տարածքը պետք է բավարարի հետևյալ պարամետրերը.

Պահեստավորման տարածքը Պաշտպանվածություն ջրից, անձրևից և քամուց: պետք է կողպված լինի այն ժամանակ, երբ չի օգտագործվում, արգելել կողմնակի անձանց մուտքը:

Մուտքը պահեստավորման տարածքներ պետք է թույլատրվի միայն լիազորված աշխատակիցներին:

Բժշկական թափոնները պետք է պահեստավորվեն այնպես, որ ապահովվի պաշտպանվածությունը կենդանիներից, և տվյալ տարածքը չծառայի որպես բազմացման կամ սնվելու վայր միջատների և կրծողների համար:

Պահեստավորման տարածքը պետք է մշտապես պահվի մաքուր և զերծ այլևայլ աղբից և անշարժ ջրից: Պետք է ախտահանվի ամեն շաբաթ և ամեն անգամ, երբ տեղի է ունենում արտահոսք:

1. Միջանկյալ մշակում և փոխադրում տեղերից

Մեկ խցիկով կիզարանը կամ բաց այրումը պետք է համարվեն միայն վերջին միջոց բժշկական թափոնների տնօրինման և մշակման համար, բացի ախտաբանական թափոններից: